

Enformaziuns y Comunicaziuns



Aprofondí la fede: I sorantolun en valgünes propostes publicades tla tofla dla Ploania da Bornech, co pó ester d'öga por vignönn de nos, por jí plü sot tla fede, anüzenn i media nös. Por aprofondí la Sacra Scritöra: www.evangeliumtagfuertag.org (letöres te 10 lingac), www.laparola.it, www.chiesacattolica.it.

Noeles dal monn dla Dlijia: www.news.va, www.vatican.va, www.kath.net, www.katholisch.at, www.katholisch.de, www.zenit.org, www.lachiesa.it, www.catholicnews.com, www.catholic.org.

Apps por smartphone: Evangelizo (letöres), Stundenbuch (brevier y letöres), iBreviary (brevier), Liturgia delle ore (brevier), ePrexBibbia (Bibia taliana).

La Crusc: En vëndres ai 29 de jügn, festa de San Pire y San Paul, vëgnel tigní ales 7:30 la prozesciun da San Linert cina sö La Crusc. Lassö él ales 9:30 la mëssa y dales 10:00 ales 15:00 ores d'adoraziun por Vocaziuns, partides sö do i paisc dl'alta valada. Ales 15:00 benedisciun y conclujun.

Comun/1: Le Comun de Mareo lascia alessèi che al vën chirí na cöga/n cogo por l'ann de scora 2018/19. Les domandes é da dé jö tal ofize personal anter i 25 de jügn 2018 ales 11:00. Tal ofize ciafun ince enformaziuns plü monüdes.

Comun/2: Le Comun lascia alessèi che en sabeda ai 23 de jügn él da jí a munt coi tiers, sön Fanes, Senes, Fodara Vedla y Fojedöra.

Biblioteca: La Biblioteca "Angelo Trebo" é slüta dai 18 de jügn cina ai 1. de messé.

Sport: Ince eniann vëgnel endô organisé le program sportif "Programma Generale", por mitans y mituns nasciüs dal 2004 al 2011. La pröma encuntada é en lönesc ai 25 de jügn ales 10:00 pal ciamp dal sport d'Al Plan. Enformaziuns plü monüdes ciafun pa Marco Mutschlechner al 338/4274261.

Avis: L'ofize dla repartiziun prestaziuns (ex Krankenkasse) tal distret sozio-sanitar da Picolin mët man con l'orar da d'isté 2018. L'ofize é davert dai 15 de jügn ai 15 de setëmber mâ plü de lönesc, dedemesaledema y vëndres dales 9:30 ales 12:45. L'orar por le sorvisc da tó jö sanch romagn anfat.



La comunité d'Al Plan ti aoda döt le bun, sanité y benedisciun ai geniturs **Stefan Colz y Sabine Moling** por le Bato de picio **PAUL**.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B

17.06.2018 - 11. Domëgna dal Ann Liturgich

nr. 29

La somonza mëna y crësc, y l'ël ne sá nia cò!



Dal Vagnele do San Merch 4, 26-34

Te chël tomp ti á Gejú dit ala meja: Con le règn de Dio éra ensciö, desco con n'ël co somëna la somonza te so ciamp; spo dormel y lea endô, al vën net y al vën dé, la somonza mëna y crësc, y l'ël ne sá nia co. La tera porta da d'ëra enstëssa so früt, empröma le fostü, spo le spí, spo duc i graní tal spí. Mo pornanche le früt é madü, tolel la sojera, deache la sajun dla racolta é atló. Al á dit: Con ci dessun pa confronté le règn de Dio, con ci parabola dessun pa le descri? Al ti somëia a n'granel de sënff. Cösc é le mënder de duc i graní da somonza ch'an somëna te tera. Ora ch'al é somené, se daürel y donta maiú co duc i ciaris y mëna fora de gran rames, tan che i vicí dal cí pó fá coa te sôa ombria.

Parora dal Signur. - Lalt a te, Gejú Crist!

I meditun la Parora

Le Règn de Dio á te se enstës na forza y na energia tan granes, co ti empormët da crësce y se svilupé tla storia dl'umanité y söle tru dla vita de vigne persona. I ne sun nia nos ch'i salvun le monn. Al é Gejú. Nos án le compit da somené cösta somonza tal ciamp dla vita. La somonza co é Parora de lereté y sëgno d'amur.

I periun ensciö

Signur, i oress daorí cösta somonza, por ciáfé fora ci che al é lëite, odèi sôa forza, moseré sôa potënza. I mo fajess sogü demorvëia, deache lëite él ci che trec arata debil: amur, bunté, pësc, sciomplëza. Chisc é i valurs co davagna, ince sce danter mile dificoltës. To Règn mët raïsc sotes, co crësc ete tal terac dla storia y dles situaziuns plü döres. Al crësc y se svilupëia, y duc pó chëie sù früc. (**Parola Amica - W. Cazzaniga**)



Domègna: 17.06.2018: XI. Domègna dal ann liturgich: Sa.Euphemia

oferta por i bojügn dla ploania

8.30: S.M. a La Pli

9.30: Oraziun dla domègna: Corona

10.00: S.M. pro popolo por dōta la Ploania
Benedisciun dal tomp

14.00: Funziun dal Bato: Colz Paul



Lön. 18.06.: Feria dla 10. edema dal ann: S.Felicius, S.Potentin

7.30: S.M. por +nta Pia Maria Obojes - Petruzzelli
S.M. por +nc' Morlang Jep y Hilda
S.M. aniv. por nt Angelo Palfrader, Fordí
S.M. por +ntes Suor Albina, Suor Cordula y Crescenza Rindler
S.M. por Fam. Taibon, Pauracia

Dédol.19.06: Feria dla 11. edema dal ann liturgich: S.Romuuald

19.30: Corona dedicada ala devoziun al Sacher Cōr de Gejú

Dédem 20.06: Feria dla 11. edema dal ann liturgich: S.Adalbert

18.00: S.M. 1. aniv. por +nta Lies Complōi de Mano
S.M. por +nt Franz Feichter, Valciapa
S.M. por +nc' dla Fam. Della Gaspera
S.M. por Fam. Sorá Fonjo y Annamaria
S.M. por vís y +nc' de Complōi Maria y Frieda
S.M. por +nta Edelgard Ties

Jöbia 21.06: Mem. de S.Alvije de Gonzaga, S.Alban, S.Radulf

Vijita personala te dlijia y cortina

Vëndr.22.06: Mem. de John Fisher, Thomas Morus, Sa.Cristina

7.30: S.M. por +nta Marcocci Lidia
S.M. por +nc' Jep y Lena Palfrader y Walter Niederb.
S.M. por vís y +nc' dla Fam. Pisching da Sarjei
S.M. por +nc' Maneschg Lois y Lukas
S.M. por +nc' pici y gragn de Angela de Corcela

15.00: Ora de oraziun

Sab.23.06: Sancta Maria in sabato: Sa.Edeltraud, S.Hildulf

17.00: Poscibilitè da se pissié

18.00: S.M. por +nta Bergmeister Hedwig
S.M. por +nta Ida Sayer in Rindler, Costata
S.M. por +nc' fredesc y sorus Oberbacher
S.M. por +nc' Lois, Nina y Agnes Oberbacher
S.M. aniv. por +nt Tone Daverda dla Tescèria

Dom.24.06: XII. Domègna dal ann: nadé de S.Jan Batista

Oferta por i bojügn dla Ploania

8.30: S.M. a La Pli

9.30: Funziun dla domègna: Corona

10.00: S.M. pro popolo por dōta la ploania
Benedisciun dal tomp



Ester bogn da aspeté con pazionza

I ne messun nia dagnora avèi pora da fá massa püch. Y datrai él da azeté, che i ne fajun nia, mo i sun bogn da aspeté con pazionza. Desco le crèsce dla somonza, ensciö n'é gnanca le Règn de Dio da aspeté con forza. Ince sce nos porsones dubitun datrai: empó él la somonza co crèsc y porta früt. (Sb)

Da pensé do

Pordért é vigne porsona religiosa - canche ara é bona da fá chit y da fá vera da ri y da bradlé da baié y da ascuté da davagné y da perde da crèie y da dubité da ester sonziera y da ester umila da se daori y da ciaré te se enstèssa

da s'la fá avarèi y da dé do da vire söes forzes y da mostré söes deblèzes da dé y da respogne da rengrazié y da perié do val' da capí y da lascé ia da sorantó y da dé jö responsabilitè da amé y da patí da odèi Chël Bel Dio y les porsones. (Dieter Barth)

Ulrich Loose

Gott allein kann
Leben schenken,
aber du kannst es
weitergeben und
achten.

Gott allein kann
Glauben schenken,
aber du kannst
dein Zeugnis geben.

Gott allein kann
Hoffnung wecken,
aber du kannst an-
deren Vertrauen
schenken.

Gott allein kann die
Freude schenken,
aber du allein ein
Lächeln.



Gott allein ist
der Weg,
aber du kannst ihn
anderen zeigen.

Gott allein ist das
Unmögliche,
aber du kannst das
Mögliche tun.

Gott allein genügt
sich selbst,
aber er hat es
vorgezogen, auf
dich zu zählen.

Meditation aus Ruanda

Sorvisc dai Ministronc

Lönesc 18/06 (07:30h), Dédemesaledema 20/06 (18:00h), Vëndres 22/06 (08:00h): Jan Paul Promberger, Mattia Leggio;

Sabeda 23/06 (18:00h): Giovanni Complōi, Anna Sottrovisch, Gabriel y Paul Trebo, Jan Ties, Philip Palfrader, André Castlunger, Nathan Migliorati;

Domègna 24/06 (10:00h): Matteo Huber, Thomas Palfrader, Isabel y Sandra Ties, Moriz Trebo, Caspar, Moriz y Pia Videsott;

N. B.: Düc i ministronc é entres begnodüs da gní a sorví, ince sce ai n'é nia scric sö!

